



Inatsisartunut ilaasortaq Nikolaj Jeremiassen, Siumut

**AKISSUTEQAAMMUT ILASSUQAAT - § 37-mi apeqqu tip akineqarneranut
atatillugu - suliffimmi inooqatigiit/aappariit pillugit**

27-02-2017
Sags nr. ASA 2017-3465/AAN
2017-3954
Allakkat nr. 4593061

Asasara Nikolaj Jeremiassen,

Inatsisartut suleriaasianni § 37 naapertorlugu apeqqu tinut Naalakkersuisut
qujassuteqarput

Postboks 1039
3900 Nuuk
Oqarasuaat (+299) 34 50 00
All. (+299) 32 44 48
E-mail: asa@nanoq.gl
www.nanoq.gl

Apeqqu mmut akissuteqarnermi ajuusaarnaraluartumik nalunaarutigineqarpoq qitiusumik
allaffeqarfimmi sulisoqarnermi politikkit aammattaaq ingerlatseqatigiiffinnut
namminersortitanut atuuttut. Tamanna ilumoortuunngilaq. Ingerlatseqatigiiffiit
namminersortitat namminerisaminnik sulisoqarnermut politikkiminnik suliarinnittarput.

Nukissiorfinnili namminerisaminnik sulisoqarnermut politikkilomerminni qitiusumik
allaffeqarfimmit isumassarsiornikuusimapput. Taamaasillutik ilaqtutanut atassuteqarneq
pillugu politikkiat imarisamigut qitiusumik allaffeqarfimmut politikkip assigaa.
Tamatumani pineqarput - qitiusumik allaffeqarfimmisuunngitsoq - aamma inooqatigiit
katissimallutillu aappariit, taamaasillunilu Nukissiorfinni malittarisassat atuuttut
taaneqarlutik, soorlu § 37-imi apeqqu mmi akissutigineqartutut.

Nukissiorfiit politikkiat ilanngunneqarpoq.

Med venlig hilsen
Inussiamersumik inuulluaqqusillunga

Aqqaluaq B. Egede

Suliffimmi ilaqutariittut attuumassuteqarnerit

Nukissiorfinni isummerfigaavut suliffimmi ilaqutariittut attuumassuteqarnermut tunngasut. Qanigisariilluni ilaqutariittut makku isigineqartarput: nularisaq, uigisaq/inooqatigisaq, qitornat, angajoqqaat, aataakkut, aanaakkut aamma qatanngutigisat.

Politikkip tamatuma suleqatigiinnerup pitsaasuuneranut inuiqatigiinnilu qanoq isigineqarnermut tapertaassaaq, tassami uagut, ilaqutariinnut politikki manna aqutigalugu, qanigisatut ilaqqat atorfinitsinneqarneranni erseqqissarneqarnera pilersissagatsigu. Taamaaliornikkut illoqarfinni pineqartuni tamani immaqalu nunaqarfinni ilaqqatut qanippallaartuunermik pasilliuteqarnerit imaluunniit ilaqutariit salliutinneqarnerannut pasilliuteqarnerit pinngitsoortinnissaat qulakkiissavarput.

Suleqatinnik qanigisaralugu ilaqutaqaruit suliffimmi qullersarisatut/sulisorisatut attuumassuteqarnissaq sapinngisamik pinngitsoortinniartariaqarparsi. Tamanna imatut paasillugu toqqaannartumik ilaqqatut qanigisamut pisortaaneq imaluunniit ilaqqatut qanigisamut qullersarisatut inissisimaneq pinngitsoortinneqassaaq. Taamatut pisoqarpat pisortarisassi qaninnerpaap erseqqissumik naliliineratigut, aamma ilissi suleqatigalusi, toqqarsinnaavaa ilissi arlarsi Nukissiorfinni immikkoortortaqarfimmi allami sulilernissaa. Atorfillit, tamatuminnga atugaqareersut, pisortarisasa Sulisoqarnermut Immikkoortortaqarfik peqatigalugu sulisup arlaata immikkoortortaqarfimmut allamut nuutsinneqarsinnaanerata periarfissaqarnera nalilissavaat, taamatut atugaqarnerup immikkoortortaqarfik imaluunniit ulluinnarni sulinerup pisariaqanngitsumik sunnerpagu, taamaalillunilu Nukissiorfiit tusaamaneqarnerannik ajoqusiilluni.

Illit immikkoortortaqarfinni suleqatigisat qanigisaralugu ilaqutarigukku ulluinnarni aqutsisussi immikkoortortaqarfimmi suliat suliarineranni tamatuma ajornartorsiortitsinera nalilerlugu aalajangiiffigissavaa. Aaqqiissutaasinnaasoq tassaavoq immikkoortortaqarfimmi suliasat nutaamik agguataarnissaat, imaluunniit tamanna ajornanngippat ilissi arlarsi immikkoortortaqarfimmut allamut nuutsillugu.

Pitsaanerpaamik aaqqiissutissaq toqqarneqartariaqartassaaq qanoq pisoqarnera aallaavigalugu. Tamatumunnga attuumassuteqartut tamarmik peqataatinneqartariaqarput, kisianni tassa aqutsisut kisimik naggataatigut aalajangiisinnaassuseqarput.

Sulisoqarnermut Immikkoortortaqarfik suliffimmi ilaqutariinnermut tunngasunut atatillugu ajornartorsiutaasinnaasunik erseqqissaavigineqarpat, tamanna sukumiinerusumik misissuiffigineqassaaq aqutsisoq pineqartoq suleqatigalugu.

Sulisunik nutaanik sulisussarsiortarnermut atatillugu sulisortarineqarsinnaasoq immikkoortortaqarfimmi qanittumik ilaqutaqarpat, aqutsisup naliliinermini ilaqutariinnerat qitiutittariaqarpaa tamannalu Sulisoqarnermut Immikkoortortaqarfimmut atorfinitsitsinissamik innersuussummi ilisimatitsissutigalugu.

Nalilerneqarpat suleqatinut allanut qanigisariilluni ilaqutariittoqarneratigut, soorlu assersuutigalugu sakitut imaluunniit ilaqutassiatut, ulluinnarni sulinerup pisariaqanngitsumik tamatumuuna sunnerneqartoq, tamanna aqutsisunit oqaluserineqassaaq nalinginnaasumik aaqqiagiinngittoqartillugu iliuuseqartarnertulli.

Nalornissuteqartoqarpat Sulisoqarnermut Immikkoortortaqarfik isumasioqatigineqarsinnaavoq.



Inatsisartunut ilaasortaq Nikolaj Jeremiassen, Siumut

Indgået

22 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37-imi apeqqummut akissuteqaat - aappariit/katissimasut suliffeqarfimmi

Asasara Nikolaj Jeremiassen,

Inatsisartut suleriaasianni § 37 naapertorlugu apeqqutinnut Naalakkersuisut qujapput.

Apeqqutigisatiit taakkunungalu akissutit tullinnguuttuni takuneqarsinnaallutillu atuarneqarsinnaapput:

- 1. Pisortat suliffeqarfiutaanni (assersuutigalugu Nukissiorfinni) qullersarisaq taamatullu allaffissornikkut aqutsisuusoq aappariitsillugit (nuliariitsillugit) suleriutsimut periusissiat qanoq ittut atorneqartarpat? imaluunniit suliffeqarnermut Politikkeqarpa? Imaluunniit pissutsit tamakku atorfinitsitsisarnermi periutsimi ilanngunneqareerpat aamma imaluunniit ilaatinneqareerpat?**

Qitiusumik allaffeqarfimmi arlalinnik sulisoqarnermut politikkeqarpoq, asanninneq pillugu politikki ilanngullugu, tassani pineqarluni ajornartorsiorneq allaaserineqarsimasoq, naligiittut aamma inunnut qullersarisaalluni/sulisuullunilu suleqatigiinnermi. Qitiusumik allaffeqarfimmut sulisoqarnermut politikkit aammattaq ingerlatseqatigiiffinnut namminersortitanut atuupput (Asiaq, Mittarfeqarfiit aamma Nukissiorfiit) Asanninneq pillugu politikki ilanngunneqarpoq.

Ilanngulluguttaaq nalunaarutigineqarsinnaavoq, suliffimmi ilaqtutanut attaveqarneq pillugu politikki aamma atuummat.

Aktiaateqarluni ingerlatseqatigiiffiit namminersorlutik oqartussanit pigineqartut namminneerlutik sulisoqarnermut politikkiimi malittarisassat aalajangersartarpat.

Inussiarnersumik inuulluaqqusillunga

Med venlig hilsen

Aqqaluaq B Egede

20-02-2017
Suliap nr. ASA 2017-3465/AAN
2017-3954
Allakkat nr. 4593061

Postboks 1039
3900 Nuuk
Oqarasuaat (+299) 34 50 00
All. (+299) 32 44 48
E-mail: asa@nanoq.gl
www.nanoq.gl

Asanninneq pillugu politikki

Namminersorlutik Oqartussani sulisut marluk akornanni asaqtigiinneq inerteqqutigingilarput. Tamatumunnga taarsiullugu pineqartup iluani pissutsinut taamaattunut najoqqutassanik asanninneq pillugu politikip suliarinissaa toqqarparput. Taamaalilluni sulisut tamarmik iluarusullutik misigisimasinnaaniassammata, immikkut pinninnerit ilagisanik qanigisanillu atorfinitsitsinerit pillugit teqeqquni oqallinnerit pinngitsoortinniarlugit.

Suleqatinnik asanninnikkut inooqateqaruit, inassutigissavarput, tamassi immikkut naalagarisassinnut saaffigineqqullusi kiisalu suleqatissinnut tamanna ammaffigalugu.

Immikkoortorta qarfinni suleqatinnut asaqtigiinnikkut inooqateqalersimaguit, pisortarisassilu aalajangersimasumik nalileereerneratigut, sulinissi pitsaanerpaaffissaanut inooqatigiinneri akornutaappat, imaluunniit immikkoortorta qarfimmi nalinginnaasumik ajornartorsiutinik pilersitsissappat, piaarnerpaamik aaqqiissuteqartoqassaaq.

Aamma tamanna naalagarisamut/suleqatigisamut saaffigisartakkannut asaqtigiinnikkut inooqateqalissaguit taamatut atuuppoq. Taamatut pisoqarnerani ataatsimoorussamik qullersarisaq ilanngutitineqassaaq, allaasumik soqutigisat, tassani nammineq inuttut inuunerup sulinerullu avisaartikkuminaassinnaanerat pinngitsoortinniarlugu.

Immikkoortorta qarfimmi suliassat agguataarsimanerat nutaamik periuseqarluni aaqqinneqarsinnaavoq, imaluunniit periarfissaqarpoq sulisup aappaa immikkoortumut/ immikkoortorta qarfimmut allamut nuullugu. Pisumi aalajangersimasumi pisut aallaavigalugit pitsaanerpaamik aaqqiissuteqarnissaq toqqarneqartariaqarpoq. Peqataasut tamarmik ilanngutitittariaqarput, kisianni inaarutaasumik aalajangiinissamut piginnaatitaasut tassaapput aqutsisut.

Nutaanik suleqatissarsiornermut atatillugu, maannamut sulisuusumut asanninnikkut inooqateqarneranut pissusiusinnaasut atorfinitsitsinissamut inassuteqarnerup nalilersorneranut ilanngunneqartassaaq.

Kalaallit Nunaanni Namminersorlutik Oqartussat ileqqorissaarluni pissusilersornissamut tunngasunik asaqtigiittut inooqatigiinnermut atassuteqartillugu immikkut ittumik malittarisassanik tassungaannaq tunngasunik aalajangersaaniangillat. Isumaqartoqarporli, sulisut tamarmik suliffimmiinnerminni ileqqorissaarlutik pissusilersussasut, aamma asanninnikkut inooqatigiinnerminnut atatillugu.